

JAMHURI YA MUUNGANO WA TANZANIA  
OFISI YA RAIS  
TAWALA ZA MIKOZA NA SERIKALI ZA MITAA  
HALMASHAURI YA WILAYA YA MISUNGWI  
[Barua zote zitumwe kwa Mkurugenzi Mtendaji (W)]

Simu: 255-73298074  
Fax: 255-732980745  
BaruaPepe:ded@misungwidc.go.tz  
Tovuti: www.misungwidc.go.tz



Mkurugenzi Mtendaji (W)  
S.L.P. 20  
MISUNGWI  
01/10/2017

## TANGAZO LA NAFASI YA KAZI

Mkurugenzi Mtendaji wa Wilaya ya Misungwi (Mwanza) anakaribisha maombi ya kazi kutoka kwa Watanzania wenyе sifa na uwezo wa kujaza nafasi ya ajira kama ilivyooneshwa hapo chini. Tangazo hili ni kwa mujibu wa Waraka wa maendeleo ya utumishi wa Serikali za Mitaa Na. 29,30 na 31 wa mwaka 2003 uliotolewa na Tume ya Utumishi ya serikali za Mitaa (TUMITAA)

KADA: MTENDAJI WA KIJINI DRJ LA III (VILLAGE EXECUTIVE OFFICER III)

### NAFASI 2

#### Sifa za kuingilia moja kwa moja.

- i. Kuajiriwa wenyе elimu ya kidato cha nne (IV) au sita (VI) aliyehitimu mafunzo ya Astashahada katika moja ya fani zifuatazo: Utawala, Sheria, Elimu ya Jamii, Usimamizi wa Fedha, Maendeleo ya Jamii na Sayansi ya Sanaa kutoka Chuo cha Serikali za Mitaa Hombolo, Dodoma au Chuo chochote kinachotambuliwa na Serikali.
- ii. **Kazi/Majukumu ya kufanya.**
  - a. Kumwakilisha Mkurugenzi wa Halmashauri katika utekelezaji na usimamizi wa shughuli za maendeleo katika Kijiji.
  - b. Kusimamia ulinzi na usalama wa raia na mali zao na kuwa mlinzi wa Amani katika Kijiji.
  - c. Kuratibu na Kusimamia upangaji wa Utekelezaji wa Mipango ya Maendeleo ya Kijiji.
  - d. Katibu wa Mikutano na Kamati zote za Halmashauri ya Kijiji.
  - e. Kutafsiri na kusimamia Sera, Sheria na Taratibu katika eneo lake la utawala (Kijiji).
  - f. Kuandaa taarifa za utekelezaji wa kazi katika eneo lake na kuhamasisha wananchi katika kuandaa na kutekeleza mikakati ya kuondoa njaa, umasikini na kuongeza uzalishaji mali.
  - g. Kiongozi wa wakuu wa Vitengo vya kitaalamu katika Kijiji.
  - h. Kusimamia, kukusanya na kuhifadhi kumbukumbu zote na nyaraka za Kijiji.
  - i. Mwenyekiti wa Kikao cha wataalamu waliopo katika Kijiji.
  - j. Kupokea, kusikiliza na kutatua malalamiko na mogogoro ya Wananchi.

- k. Atakuwa mhasibu mkuu wa kijiji.
- l. Kusimamia utungaji wa Sheria ndogo za Kijiji.
- m. Atawajibika kwa Mtendaji wa Kata.

#### MASHARTI YA JUMLA KWA WAOMBAJI

- i. Waombaji wote wawe raia wa Tanzania wenye umri kuanzia miaka 18 na usiozidi miaka 45
- ii. Waombaji wote waambatanishe cheti cha kuzaliwa
- iii. Waombaji waambatanishe maelezo binafsi (detailed CV) yenye wadhamini (referees) watatu.
- iv. Maombi yote yaambatane na vyeti vya taaluma (cheti cha kidato cha nne, cha sita na vyeti vya taaluma kama ilivyotajwa katika kipengele cha sifa za kuingilia kazini hapo juu.
- v. **Testimonials, Provisional results, Statements of Results, hati ya matokeo ya kidato cha nne na sita HAVITAPOKELEWA**
- vi. Waombaji waambatishe picha mbili za passport size za hivi karibuni.
- vii. Mwisho wa kutuma maombi ya kazi ni **tarehe 10 Oktoba 2017**
- viii. Waliokwisha kuajiriwa Serikalini na hawaruhusiwi kuomba.

MSAHARA:

Ngazi ya Mshahara wa Serikali TGS B

Maombi yote yatumwe kwa:

**Mkurugenzi Mtendaji  
Halmashuri ya Wilaya ya Misungwi  
S.L.P. 20  
MISUNGWI**

Imetolewa na:



Diana Kuboja

**Kaimu: MKURUGENZI MTENDAJI (W)  
MISUNGWI  
MKURUGENZI MTENDAJI  
HALMASHAURI YA WILAYA  
MISUNGWI**